

super nos surrexerunt , omniaque diripiunt crudeli
ferinoque proposito , & impia profanaque audacia . Un-
de plus quam etiam vos sanctissimos poscimus , in-
stantissimas ad Christum petitiones effundere , ut has
propitius a vobis suscipiens , cito dejiciat eorum fu-
rore plenam jactantiam , & viles eos , sicut & antea ,
sub scabellum a Deo conservandis nostris Imperatori-
bus tribuat , ut & ipsi dierum latitudinem habeant , qui
in terris nostrum habent imperium , a bellicis pertur-
bationibus quiescentes ; & cuncta eorum cum eis la-
tetur respublica , sceptris eorum firmissime communi-
ta , & per eos pacifico statu jucunditatis procreatori-
bus racemis vescatur , . Ex qua Epitola recte colligit
Pagijs , Saracenos ante annum 633. Romanum Imperium
adortos non esse . Anno quippe Chtisti 632. die 17. men-
sis Junii , Mahometes Arabum primus Imperator obiit :
eique Abubecrus successit , qui anno 633. Romanos ag-
gressus est . Sigebertus in Chron . ad an . 633. „ Inter Ro-
manos & Saracenos bellum implacabile oritur hac de
causa : quia quum quidam spado Imperator Heraclii
distribueret rogas (id est , donativum) militibus , quum
inter alios etiam Saraceni sub Imperatore militan-
tes , ad accipiendum venirent , spadone indignanter
eis dicente , vix sufficit Imperator dare rogas mili-
tibus ; quanto magis canibus istis ; illi dolore & pudo-
re incitati , totam Saracenorum gentem ad rebellan-
dum incitant . Ammirai autem Saracenorum , Roma-
nos aggrediuntur , & cum multis tres Ammirai a Romanis
perimuntur „ Theophanes . „ Jam ante Muamed fato extin-
ctus fuerat , qui debellandis ex Arabum genere Christia-
nis Ameraos quatuor initituit . Illi ad vicum , cui Mu-
ameorum nomen , in quo Theodorus Vicarius sedem
fixerat , accedunt ; qua die profanos suos ritus exe-
querentur , in Arabes impressionem facere consiliati .
At Vicarius ea de re per Corasinum , cognomento Cu-
tabam , certior factus , cunctis militibus cultodiae de-
serti ac praesidiis deputatis in unum collectis , nec non
de die & hora qua irrumpere meditabantur , diligen-
tius